

## ტსუ-ს ლადო პაპავა უხელმძღვანელებს



მაგდა ლაქიაშვილი

თბილისის ივანე ჯავახიშვილის სახელობის სახელმწიფო უნივერსიტეტი სასწავლო წლის დაწყებას ახალი რექტორით შეხვდება. რიგით 28 არჩევნებში ლადო პაპავამ გაიმარჯვა. მას აკადემიური საბჭოს 12 წევრიდან 10-მა დაუჭირა მხარი, მის კონკურენტს ირმა რატიანს კი - 2-მა. ხმის მიცემაში მონაწილეობა არ მიუღია აკადემიური საბჭოს ხელმძღვანელ ალექსანდრე კვიციანიძეს.

გაზრდილია 80-3 გვარდია

## ბრალის აღიარება და 1000-ლარიანი ბირაო

თინა ნიკოლაძე

თამაზ თამაზაშვილის საქმეზე მაისში დაკავებული ექვსი პოლიციელი წინასწარი პატიმრობიდან 1000-1000-ლარიანი გირაოს სანაცვლოდ გაათავისუფლეს.

სასამართლოს დაკავებულების გირაოთი გათავისუფლების შუამდგომლობით პროკურორმა ია დარჯანიამ მიმართა. მისი თქმით, ექვსივე ბრალდებული, ქალაქ თბილისის პოლიციის ყოფილი თანამშრომლები - გივი კრავჩენკო, გრიგოლ კვინიკაძე, ზაზა ჭიაი, ვლადიმერ გამრე-

კელაშვილი, გოჩა ჩიტაია და გოჩა ბალატრიშვილი დანაშაულს აღიარებენ და გამოძიებასთან თანამშრომლობენ.

გამოძიება თითქმის დასრულებულია და აქედან გამომდინარე, ბრალდების მხარემ მიიჩნია, რომ ნაკლებად არსებობს ბრალდებულების მხრიდან მტკიცებულებების მოპოვებაში ხელშეშლის საფრთხე. პროკურორის აღნიშნულ შუამდგომლობას დაცვის მხარის ადვოკატები და თავად ექვსივე ბრალდებული დაეთანხმა. ბრალდებულები დარბაზიდან გათავისუფლდნენ, გირაოს გადახდის ვადად კი ათი დღე განესაზღვრათ.

მთავარმა პროკურატურამ გენერალ თამაზ თამაზაშვილის უკანონო დაკავების შესახებ სისხლის სამართლის საქმეზე გამოძიება დაასრულა. პროკურატურის განცხადებით, გამოძიებას მნიშვნელოვნად შეუწყო ხელი დანაშაულის უშუალო მონაწილეების, მათ შორის, უშუალო აღმსრულებლების, პატიმრობაში მყოფი კრავჩენკოს, კვინიკაძის, გამრეკელაშვილის, ჭიაის, ჩიტაიასა და ბალატრიშვილის საგამოძიებო ორგანოებთან აქტიურმა თანამშრომლობამ.

გაზრდილია 80-2 გვარდია

## „შეურაცხყოფა ქართული სახელმწიფოსთვის“

ვლადიმერ პუტინი ალექსანდრე ანკვაბს შეხვდა

„ქართული ოცნების“ და პირადად ბიძინა ივანიშვილის საპრეზიდენტო კანდიდატი გიორგი მარგველაშვილი პუტინ-ანკვაბის შეხვედრას საქართველოზე მორიგ დარტყმასა და შეურაცხყოფას უწოდებს და, მიუხედავად ამისა, რუსეთთან ურთიერთობის დალაგებაზე საუბრობს.

რუსეთის პრეზიდენტი ვლადიმერ პუტინი სოჭში აფხაზეთის დე-ფაქტო რესპუბლიკის ე.წ. პრეზიდენტ ალექსანდრე ანკვაბს შეხვდა.

გაზრდილია 80-2 გვარდია



## გაერო და აფრიკის კავშირი ეზვივებას ქალაქობის შეწყვეტისკენ მოუწოდებენ

ივა შილაკაძე

გაეროს უშიშროების საბჭომ საგანგებო სხდომა ჩაატარა, სადაც ეგვიპტეში შექმნილი მდგომარეობა განიხილა და ამ ქვეყნის ხელისუფლებას და ოპოზიციასაც ქალაქობის შეწყვეტისკენ მოუწოდა. ეგვიპტეში შექმნილ სიტუაციაზე საგანგებო განცხადება გაავრცელა აგრეთვე აფრიკის კავშირმა. თვით ეგვიპტიდან კი ჯერჯერობით სანუგეშო ინფორმაცია არ მოდის.

გაზრდილია 80-4 გვარდია



1 აშშ დოლარი	1.6643\$
1 ევრო	2.2110\$
1 ინგლისური გირვანკა	2.5933\$
1 თურქული ლირა	0.8622\$
100 რუსული რუბლი	5.0433\$

  

თბილისი	31°C - 20°C
ქუთაისი	33°C - 20°C
ზუგდიდი	32°C - 21°C
ბათუმი	27°C - 21°C

  

ნავთობი	3.19	+0.00	+0.16%
გაზი	3.58	+0.11	+3.07%
ოქრო	1,743.20	-9.80	-0.56%
ხორბალი	868.50	+12.25	+1.41%

## „მორვენებაბის“ კარტიზანული ბრძოლა

Call of Duty: Ghosts - სერიის მეათე თამაში და მეათე წელი



## ამერიკისპირეთი წყალდიდობის ვიკის მოლოდინში

ივა შილაკაძე

რუსეთის შორეულ აღმოსავლეთში ძლიერი წვიმების გამო მდინარეებში წყალი სულ უფრო მატულობს. თვის ბოლომდე ამინდის გაუმჯობესებას არც ელოდებიან, რადგან ამ ზონას წყნარი ოკეანის მხრიდან ახალი ტაიფუნი უახლოვდება. სიტუაციას ისიც ართულებს, რომ წყალდიდობასთან ბრძოლა ორი სახელმწიფოს - ჩინეთისა და რუსეთის ტერიტორიებზე ცალ-ცალკე მიმდინარეობს. წყალდიდობის პიკს მდინარეების ზედა დინებაში - მაგალითად, ბურეისკის წყალსაცავის ზონაში - 18 აგვისტოს ელოდებიან, უფრო ქვევით, ხაბაროვსკა და კამსამოლსკი კი, დაახლოებით, 25 აგვისტოს.

ამურის ოლქის და მისი ადმინისტრაციული ცენტრის ბლაგოვეშჩენსკის დატბორ-



ვის შესახებ წინა დღეებში წერდა „24 საათი“. უკვე საფრთხე შეექმნა ხაბაროვსკის მხარესაც და თვით ქალაქ ხაბაროვსკაც, რომელიც ამურს 50 კილომეტრის სიგრძეზე გასდევს. ამურის გარდა, წყალი მომატებულია მდინარეებში ზეიამში, სუნგარისა და უსურიშიც.

გუშინდელი მონაცემებით, უკვე დატბორილია 88

დასახლებული პუნქტი და 4-დან 5 ათასამდე სახლი. ამას გარდა, ბევრგან შეწყვეტილია საავტომობილო და სარკინიგზო მიმოსვლა, დატბორილია საავტომობილო გზებიც და დანგრეულია, სულ ცოტა, 30 ხიდი. რეგიონები იძულებითი ევაკუაციისთვის ემზადებიან.

გაზრდილია 80-4 გვარდია

„24 საათის“ ელექტრონული ვერსია იხილეთ Web-გვერდზე [www.24saati.ge](http://www.24saati.ge) ჩვენი პარტნიორები:

**თიბისი ბანკი**  
TBC BANK  
ჩვენ ვამლოებთ ერთმანეთს

**FM 102.4**  
საბავშვო სტაციონარი

**ბანკი კონსტანტა**  
BANK CONSTANTA

ISSN 1987 9121

9177198719121001



### მამა ნიკოლოზი: ბაჩო ახალაიას წინააღმდეგ ცრუ ჩვენებას მოვანერე ხელი

შინაგან საქმეთა და თავდაცვის ყოფილ მინისტრ ბაჩო ახალაიას ადვოკატთა განცხადებით, ავჭალის წმინდა გიორგის სახელობის ტაძრის მღვდელს, მამა ნიკოლოზს გამოძიებულმა კახა ჭუმბაძემ ახალაიას წინააღმდეგ ჩვენების მიცემა აიძულა.

ადვოკატებმა ვიდეომასალა გაავრცელეს, სადაც მამა ნიკოლოზი ზენოლაზე საუბრობს.

ადვოკატ მალხაზ ველიჯანაშვილის თქმით, მამა ნიკოლოზმა იძულებით მოანერა ხელი ისეთ დოკუმენტს, რომლის მიხედვით დგინდება, რომ ბაჩო ახალაიას რეკომენდაციით, სანდრო გირგვლიანის მკვლელობის საქმეზე დაკავებული პირები სასჯელს, სხვა პატიმრებთან შედარებით, უკეთეს პირობებში იხდიდნენ.

ახალაიას ადვოკატ რომეო საჯაიას განცხადებით, მამა ნიკოლოზი 13 აგვისტოს ქალაქის პროკურატურაში დაიბარეს.

**„გამომძიებელი დაჭერის მუქარით, იძულებითა და შანტაჟით ცდილობდა, მამა ნიკოლოზს ბაჩო ახალაიას წინააღმდეგ მიეცა ცრუ ჩვენება,“** - ამბობს საჯაია.

ადვოკატები საკითხის გამოძიებას და იმ პირთა დასჯას ითხოვენ, ვინც მღვდელზე ზენოლა განახორციელა.

ვიდეორჩანანერში მამა ნიკოლოზი ამბობს, რომ მისი დაკითხვა მთელი დღის განმავლობაში მიმდინარეობდა და იხსენებს, რომ კახა ჭუმბაძის სამუშაო ოთახში, ჭუმბაძესთან ერთად, კიდევ, დაახლოებით, ოთხი პირი იმყოფებოდა, რომლებიც მისგან არარსებული ფაქტების დადასტურებას და ბაჩო ახალაიას წინააღმდეგ ჩვენების მიცემას ითხოვდნენ.

**„ისინი ითხოვდნენ ჩვენების მიცემას. ჩვენება შეეხებოდა ალანას, ლაჭავას, ბიბილურიძის, ავციურის სასჯელის მოხდის პერიოდს. ისინი ჩემგან ითხოვდნენ არარსებული ფაქტების დადასტურებას, რომ ცრუ ჩვენება მიმეცა ბაჩო ახალაიას წინააღმდეგ,“** - აცხადებს მამა ნიკოლოზი.

მისი თქმით, კახა ჭუმბაძე და დანარჩენი პირები დაპატიმრებით დაემუქრნენ, რის შემდეგაც ხელი ცრუ ჩვენებას მოანერა.

**„პირდაპირ, მუქარით მიიხრეს, რომ თუ არ მოხერხდებოდა იმ ფაქტების დადასტურება, რაც მათ აწყობდათ, მოხდებოდა ციხის ყოფილი შვიდი თანამშრომლის, მათ შორის ჩემი დაკავება,“** - განაცხადა მამა ნიკოლოზმა.

მამა ნიკოლოზი, იგივე თემურ ტაბალუა, წარსულში სასჯელალსრულების N1 დანესებულების უფროსი იყო.

ბაჩო ახალაიას ადვოკატ მამუკა ველიჯანაშვილის თქმით, თემურ ტაბალუა აღნიშნულ თანამდებობაზე 2004-2005 წლებში მუშაობდა და უჩიოდნენ თუ არა მას პატიმრები, ამის შესახებ ინფორმაციას ველიჯანაშვილი არ ფლობს.

**„არ ვიცი, უჩიოდნენ თუ არა მას პატიმრები და იყო თუ არა მოხვედრილი მისი საქმიანობა სახალხო დამცველის ანგარიშში, მაგრამ რა მნიშვნელობა აქვს, მის მიმართ ხომ არ შეიძლება იძულება განხორციელდეს. დღეს მოქმედი სასულიერო პირია. ადრე ციხის უფროსი იყო - ავჭალის კოლონიის,“** - განაცხადა ველიჯანაშვილმა.

სასჯელალსრულების N1 დანესებულების უფროსი თემურ ტაბალუა, იგივე მამა ნიკოლოზი, იმჟამინდელი სახალხო დამცველის სოზარ სუბარის ანგარიშშია მოხსენებული.

2006 წლის სახალხო დამცველის ანგარიშში საუბარია იმაზე, რომ თემურ ტაბალუას მსჯავრდებული იაგო წიქვაძე ფიზიკურ შეურაცხყოფაში ადანაშაულებს.

სახალხო დამცველის ანგარიშის მიხედვით, მსჯავრდებული წიქვაძე 21 მარტს საქართველოს სახალხო დამცველის აპარატის თანამშრომლებმა ცხელ ხაზზე შესული ინფორმაციის შემდეგ თბილისის N1 საპრობილემში მოინახულეს.

**პატიმარს სახესა და ზურგის არეში ძლიერი ფიზიკური დაზიანებები აღენიშნებოდა. პატიმარი იმდენად ცუდად გრძობდა თავს, რომ მისი გადაადგილება ვერ მოხერხდა და სახალხო დამცველის აპარატის თანამშრომლებმა იგი საკანშივე ინახულეს. ძლიერი თავის ტკივილების გამო წაქვავი ვერც ახსნა-განმარტების დაწერა შეძლო. შესაბამისად, მისი ახსნა-განმარტების დაწერა სახალხო დამცველის აპარატის თანამშრომლებს მოუწიათ და პატიმარმა მხოლოდ ხელი მოანერა. როგორც პატიმარი იაგო წიქვაძე აცხადებს, სიტყვიერი შეურაცხყოფისა და შეკამათების შემდეგ, მას ფიზიკური დაზიანებები საპრობილის ადმინისტრაციის თანამშრომლებმა მიაყენეს, მათ შორის - ციხის უფროსმა თემურ ტაბალუამ, - აღნიშნულია იმპუდსენების 2006 წლის ანგარიშში.**

# ბრალის აღიარება და 1000-ლარიანი ბირაო

პირველი გვირგვინი

სწორედ აქედან გამომდინარე მიიღო პროკურატურამ მათთვის აღკვეთის ღონისძიების შემსუბუქების გადაწყვეტილება.

ალსანიშნავია, რომ ზემოთ ჩამოთვლილი, შსს-ს ყოფილი თანამშრომლები თავდაპირველად არათუ ბრალს აღიარებდნენ, არამედ პროკურატურას ზენოლაშიც ადანაშაულებდნენ და ამბობდნენ, რომ მათ „არარსებული ბრალის აღიარებას“ სთხოვენ.

**„საქმეში მონაწილე და მასთან დაკავშირებულ პოლიციელებს დიდი ხანია, ემუქრებიან და ჩვენზე ზენოლას ახდენენ. გასული წლის ოქტომბერში შემხვდა გენერალური პროკურორის მოადგილე ლაშა ნაცვლიშვილი და მითხრა, რომ თამაზ თამაზაშვილის თემზე უნდა გესაუბროო. მან მითხრა, რომ ეს კაცი გაგამწარებსო. სასამართლოს ეზოში ახლა დავინახე სპეცრაზმის ექვსი მანქანა. არ ვეთანხმები ადვოკატს და მოვიხიზო, რომ თუკი რომელიმე პოლიციელი შეეფარება პატიმრობა, მეც ვითხოვ წინასწარ პატიმრობას. ასევე ვაგრძელებ უვალო მშრალ შიმში-**

**ლობას იქიდან გამომდინარე, რომ არც ერთი პოლიციელი, რომელიც თამაზაშვილის გამო დაკავებული, ბრალდებული არ არის,“** - განაცხადა ზაზა ჭაიამ ჯერ კიდევ 28 მაისს, იმ სასამართლო სხდომაზე, როცა მას და მის „თანამონაწილებს“ აღკვეთის ღონისძიებად პატიმრობა შეუფარდეს.

ამავე პროცესზე განაცხადა გააკეთა გრიგოლ კვინიკაძემაც და კიდევ ერთხელ აღნიშნა, რომ გამოძიების დაწყებამდე მათზე ზენოლა ხორციელდებოდა. ექვსი პოლიციელის დაკავებამდე კი იყო შეთავაზება, რომ ერთ-ერთს ბრალი ელიარებინა, დანარჩენებს გაუმეგბდნენ და იმ ერთ ბრალდებულსაც საპროცესო შეთანხმებას გაუფორმებდნენ, თუმცა როგორც კვინიკაძემ განაცხადა, ამაზე არც ერთი პოლიციელი არ იყო თანახმა და ისინი ზუსტად იმ საღამოს დააკავეს, რაც სასაცილოა.

ამ პროცესიდან, დაახლოებით, სამი თვის შემდეგ ყველა ბრალდებულმა ბრალი აღიარა და გამოძიებასთან თანამშრომლობის საფუძველზე მათ აღკვეთის ღონისძიება შეუმსუბუქდათ. საბოლოოდ, ანუ 16 აგვისტოს, 1000-ლარიანი გირაოთი ყველა მათგანი დარბაზიდან

გათავისუფლეს. პროცესის დასრულების შემდეგ პატიმრობიდან გათავისუფლებულა არც ერთმა ყოფილმა პოლიციელმა ჟურნალისტებთან კომენტარი არ გააკეთა. სამაგიეროდ, კომენტარს აკეთებენ და „ქრისტიანული საქციელისთვის“ თამაზ თამაზაშვილს მადლობას უხდინან ბრალდებულების ადვოკატები. გრიგოლ კვინიკაძის ადვოკატი დარეჯან სილაგაძე აცხადებს, რომ თამაზ თამაზაშვილმა ბრალდებულების მიმართ კეთილშობილური დამოკიდებულება გამოიჩინა.

ადვოკატი ამბობს, რომ დაზარალებულზე ბევრია დამოკიდებული და თავისი დაცვის ქვეშ მყოფის სახელით თამაზაშვილს მადლობას უხდის.

**„ჩემმა დაცვის ქვეშ მყოფმა საშინელი დანაშაული ჩაიდინა, უდანაშაულო ადამიანს ყალბი საბუთების საფუძველზე მოუხდა ერთი წელი ყველასთვის ცნობილ პირობებში - ციხეში ყოფნა. მიუხედავად ამისა, როგორც ქრისტიანმა კაცმა, თამაზაშვილმა მათ შეუნდო დანაშაული. დარწმუნებული ვარ, რომ ეს დანაშაული ზედა დონეებიდან მომდინარეობდა,“** - განაცხადა დარეჯან სილაგაძემ „ინტერპრესნიუსთან“ საუბარში.

კიდევ ერთი ბრალდებულის გოჩა ბალათრიშვილის ადვოკატ ირმა ჭკადუას განცხადებით, ბრალდებულმა ყოფილმა პოლიციელებმა აღიარეს, ვის დავალებას ასრულებდნენ.

**„დაკავების მომენტიდან ბრალდებულები თავს დამნაშავედ არ ცნობდნენ, რამდენიმე დღის წინ კი სრულად ითანამშრომლეს გამოძიებასთან და ჩადენილი დანაშაული აღიარეს. შესაბამისად, მათთვის აღკვეთის ღონისძიების შემსუბუქების შესახებ პროკურატურის გადაწყვეტილება აბსოლუტურად კანონიერი იყო. მე ვესწარებოდი ჩემი დაცვის ქვეშ მყოფის ყველა ჩვენებას და მასზე არავითარი ზენოლა არ განხორციელებულა. მათ აღიარეს, თუ ვის დავალებას ასრულებდნენ თამაზაშვილის დაკავებისას,“** - განაცხადა ირმა ჭკადუამ.

თუმცა, ორივე ადვოკატი თავს იკავებს პირების დასახელებებისგან, რომლებმაც ბრალდებულ პოლიციელებს მტკიცებულების ფალსიფიკაციის საფუძველზე თამაზაშვილის დაკავება დაავალეს.

რაც შეეხება წინასასამართლო სხდომას 2011 წელს თამაზაშვილის დაკავების საქმეზე, პროცესი 26 აგვისტოს, 11:00 საათისთვის ჩაინიშნა.

## წინასასამართლო სხდომაზე ოლეგ მელნიკოვის სტატუსი ვერ გაარკვიეს

2005 წელს ორი პოლიციელის ცემის ფაქტზე დათა ახალაიას, იოსებ თოფურიძის, ოლეგ მელნიკოვისა და გერონტი ალანაის წინააღმდეგ სისხლის სამართლის საქმის წინასასამართლო სხდომა 22 აგვისტოსთვის გადაიდო. ადვოკატთა განმარტებით, პროცესის გადადების მიზეზი მელნიკოვის სტატუსის გაურკვეველობა გახდა. კერძოდ, მელნიკოვის ადვოკატ მალხაზ ველიჯანაშვი-

ლის ინფორმაციით, პროკურატურამ ვერ წარადგინა დოკუმენტაცია იმის შესახებ, რომ მელნიკოვი უკრაინაში პატიმრობაში იმყოფება. შესაბამისად, სასამართლომ ბრალდების მხარეს სტატუსის გასარკვევად დრო მისცა და პროცესი 22 აგვისტოს, 16:00 საათზე განახლდებოდა.

აღნიშნულ სისხლის სამართლის საქმეზე ოთხი ბრალდებულიდან განხილვებს არც ერ-

თი არ ესწრება. ყველა ბრალდებულზე ძებნაა გამოცხადებული.

როგორც ერთ-ერთი ბრალდებულის გერონტი ალანაის ადვოკატმა კახა შონიამ განმარტა, მისი დაცვის ქვეშ მყოფი საქართველოში არ იმყოფება. ადვოკატისთვის გაურკვეველია, თუ რა ბრალი მიუძღვის 2005 წლის ეპიზოდში გერონტი ალანაის. ამასთან, კახა შონიას განმარტებით, გერონტი ალა-

ნას, რომელიც სანდრო გირგვლიანის საქმეზე იხდიდა სასჯელს, ამჟამად სხვა სისხლის სამართლის საქმეზე ბრალი არა აქვს წარდგენილი.

დათა ახალაია და კუდ-ის სხვა ყოფილი მაღალჩინოსნები - იოსებ თოფურიძე, გერონტი ალანია და ოლეგ მელნიკოვი ბრალდებულნი არიან სამსახურებრივი უფლებამოსილების გადამეტების, კერძოდ კი, პოლიციელების ცემის გამო.

## „შეურაცხყოფა ქართული სახელმწიფოსთვის“

პირველი გვირგვინი

როგორც აფხაზური მედია წერს, შეხვედრაზე აფხაზურ-რუსული ურთიერთობები და თანამშრომლობის საკითხები განიხილეს.

პუტინმა და ანქვაძემ ასევე ისაუბრეს გაგრაში და ოჩამჩირის რაიონში მომხდარი სტიქიის სალიკვიდაციო სამუშაოებზე.

აფხაზეთში სტიქია ივლისის ბოლოს და აგვისტოს დასაწყისში მოხდა, შედეგად დაზიანდა საცხოვრებელი სახლები და ინფრასტრუქტურა.

საგარეო საქმეთა მინისტრი მაია ფანჯიკიძე რუსეთის პრე-

ზიდენტ ვლადიმერ პუტინის და აფხაზეთის დე-ფაქტო რესპუბლიკის ე.წ. პრეზიდენტ ალექსანდრე ანქვაძის შეხვედრას განსაკუთრებულ მნიშვნელობას არ ანიჭებს.

ამის შესახებ მაია ფანჯიკიძემ ჟურნალისტებთან საუბარში განაცხადა, რითაც სოჭში პუტინსა და ანქვაძეს შორის გამართულ შეხვედრას გამოეხმაურა. მისივე თქმით, ეს პირველი შეხვედრა არ იყო.

**„ჩვენ ამ შეხვედრებს ვაკვირდებით, რასაკვირველია შესაბამისი დასკვნებიც გამოვავქვს. ეს დასკვნები შემდეგ აისახება ჩვენს ურთიერ-**

**ობებში და საუბრებში, რომელიც გვაქვს პირდაპირ თუ შენევის ფორმატში რუსეთის ფედერაციასთან, მაგრამ ეს რადგანაც ახალი არ არის და ასეთი შეხვედრები ადრეც იყო, ამას ახლა განსაკუთრებულ მნიშვნელობას ამ ეტაპზე არ მივანიჭებდი,“** - განაცხადა მაია ფანჯიკიძემ.

კოალიცია „ქართული ოცნების“ პრეზიდენტობის კანდიდატმა გიორგი მარგველაშვილმა კი, რომელიც გუშინ წინასასარჩევნო კამპანიის ფარგლებში შეხვედრებს სტეფანწმინდაში მართავდა, ჟურნალისტებთან საუბრისას განაცხადა:

**„ეს კიდევ ერთი დარტყმა და შეურაცხყოფაა ქართული სახელმწიფოსთვის, ჩვენთვის სხვა ფორმის დარტყმებიც მოსალოდნელია, მაგრამ ჩვენ არც ერთ პროვოკაციაზე არ წამოვეგებით და პოლიტიკა მიგვყავს რუსეთთან ურთიერთობის დალაგების დასაწყისსკენ და ჩვენი პარტნიორები ძალიან აქტიურად არიან ჩართული, რომ აფხაზეთისა და სამხრეთ ოსეთის პრობლემის გადაწყვეტა, ნორმალურ რაციონალურ და თანამედროვე კონტექსტში დაინყოს“.**

გაზეთ "24 საათის" გამომცემელი შპს "მეპ". რედაქტორ-გამომცემლები:

მამუკა ფაჩუაშვილი, პაატა ვეშაპიძე.

რედაქცია: სოფიკო ჩხაიძე (მთავარი რედაქტორი), რედაქტორები: მაია ჭალაგანიძე (საზოგადოება, Weekend), ინგა ალავეიძე (სამართალი), დავით ნინიკაშვილი (ბიზნესი), ივა შილაკაძე (უცხოეთი)

სოფო კილასონია (რევიუ), კახა ფაჩუაშვილი (სპორტი). რეკლამის და მარკეტინგის მენეჯერი ირაკლი ლეჟავა ტელ: 899 22 09 49. კომპიუტერული ცენტრი: ირმა ჯიმკარიანი, ნინო ყაველაშვილი რედაქციის მისამართი: ქ.თბილისი, კოსტავას ქ. №68, საზოგადოებრივი მუწყელები, მე-3 კორპუსი, მე-3 სართული. ტელ: 40-94-45; 40-94-46; 40-94-47; 40-94-48 ელ-ფოსტა: public@24hours.ge



# ტსუ-ს ლადო პაპავა უხელმძღვანელებს

პირველი გვირგვინი

ხმის მიცემის პროცედურა, დაახლოებით, 20-25 წუთს გაგრძელდება. როგორც აკადემიური საბჭოს წევრებმა ჟურნალისტებთან საუბრისას განაცხადეს, მათ სასურველ კანდიდატს ხმა მისცეს სამოქმედო გეგმის, მეცნიერული შესაძლებლობების, რადიკალურ ცვლილებებზე რეაგირებისა და სხვა უნარების გათვალისწინებით.

ხმის მიცემა ტსუ-ში 14:00-დან 16:00 საათამდე მიმდინარეობდა. რექტორის არჩევნებში რეგისტრირებული 14 კანდიდატიდან მონაწილეობა მიიღო 13-მა - ვლადიმერ პაპავამ, გიორგი ქავთარაძემ, გიორგი ბარამიძემ, ილია თავხელიძემ, ცირა ბარამიძემ, მერაბ ცაგარელმა, ირმა რატიანმა, მედეა ჩუხუაძე, მარინა მუსხელიშვილი, მანანა ხაჩიძემ, ინესა მერაბიშვილმა, ნონა ნონიანიამ და დავით გოცირიძემ. კიდევ ერთმა კანდიდატმა მარინე ჩიტაშვილმა თავისი კანდიდატურა ლადო პაპავას სასარგებლოდ მოხსნა და ამის შესახებ განაცხადებით მან კომისიას რამდენიმე დღის წინ მიმართა. არჩევნებს სულ ცხრა არასამთავრობო ორგანიზაცია აკვირდებოდა. მათი შეფასებით, საარჩევნო პროცესის მიმდინარეობისას ხარვეზები არ დაფიქსირებულა.

ლადო პაპავამ რექტორის რანგში პირველი კომენტარი უკვე გააკეთა. მისი შეფასებით, უნივერსიტეტში მოსაგვარებელია მიმდინარე და ასევე სტრატეგიული საკითხები. მიმდინარე საკითხები ახალი სასწავლო წლის დაწყებას ეხება და, ბუნებრივია, გარკვეული ტექნიკური საკითხებიც დასარგებლად იქნება. რაც შეეხება სტრატეგიულ საკითხებს, უმთავრესია ის, რომ უნივერსიტეტმა სტრუქტურულ თანამედროვე, მაღალი დონის ცოდნა მისცეს.



„ეს ცოდნა უნდა იყოს საერთაშორისო სტანდარტების იქიდან გამომდინარე, რომ სტრუქტურის უმთავრესი პრობლემა სახელმძღვანელოებია, ვაპირებთ, საერთაშორისო დონის შესაბამისი სახელმძღვანელოები შემოვიტანოთ. ჩვენს პროფესორებს გარკვეული სტიმული უნდა მივცეთ, რათა მათ შექმნან ან თარგმნონ ასეთი საერთაშორისო დონის სახელმძღვანელოები, რომლებიც სტრუქტურისთვის ხელმისაწვდომი იქნება - სულ ცოტა, ელექტრონული ფორმატებით მაინც. გარდა ამისა, აუცილებელია სტრუქტურა ჩართვა სამეცნიერო კვლევით საქმიანობაში. ის დაფინანსება, რომელიც უნივერსიტეტს დღეს აქვს, მიმდინარე საკითხების გადასაწყვეტად სრულიად საკმარისია. თუმცა დამატებითი ფინანსური რესურსის მოსაზიდად უნივერსიტეტი აქტიურად იმუშავებს. იმედი, ქართული ბიზნესი თვალს გაახელს და მიხვდება, რომ მას განათლებული კადრები სჭირდება, ხოლო უნივერსიტეტი განათლებული თაობის აღზრდას უზრუნველყოფს,“ - ამბობს ლადო პაპავა.

გუშინ არჩევნების მიმდინარეობის პარალელურად, უნივერსიტეტის შენობასთან 20-

მდე სტუდენტი აქციას მართავდა. აქციის მონაწილეები აცხადებდნენ, რომ უნივერსიტეტი თავისუფალი უნდა იყოს. სტუდენტების თქმით, აკადემიური საბჭოს 12 წევრის ლეგიტიმაციის საკითხი კითხვის ნიშნის ქვეშ იდგა, რადგან საუნივერსიტეტო საზოგადოება 23 000 ადამიანს ითვლის. მათ მიაჩნიათ, რომ აკადემიური საბჭოს 12 წევრს უფლება არ აქვს, საუნივერსიტეტო პროცესები განსაზღვროს.

„უპირველესად, კითხვის ქვეშ ვაყენებთ აკადემიური საბჭოს ლეგიტიმაციის საკითხს, რადგან 23 000-იან საუნივერსიტეტო საზოგადოებას 12 კაცი ვერ წარმოადგენს, ეს არის არარეპრეზენტაბელური. ისინი საყოველთაოდ ლეგიტიმირებულნი ვერ იქნებიან, ისინი ანგარიშვალდებულნი არიან ჩვენი, საუნივერსიტეტო საზოგადოების წინაშე და ისინი არ უნდა იყვნენ მოქცეული პარტიული გავლენის ქვეშ,“ - განაცხადა თბილისის სახელმწიფო უნივერსიტეტის სტუდენტმა ლევან ლორთქიფანიძემ. აქციაზე შემდეგი სახის ბანერებიც გამოჩნდა: „თავისუფლება უნივერსიტეტს, არა - პარტიულ გავლენებს“, „აკადემიური საბჭოს წევრებო, თქვენ ანგარიშვალდებულნი და პასუხისმგებელნი

ხართ ჩვენი, საუნივერსიტეტო საზოგადოების წინაშე“, „არა - პოლიტიზირებულ აკადემიურ საბჭოს“.

თუმცა, უნივერსიტეტში საარჩევნო უბნების დახურვის შემდეგ სტუდენტები აკადემიური საბჭოს გადამწყვეტილებით კმაყოფილები დარჩნენ. რექტორად ლადო პაპავას დანიშნით აკადემიურმა საბჭომ მათ მოთხოვნებს ადეკვატურად უპასუხა.

„ჩვენ ვითხოვდით, რომ რექტორად რომელიმე პარტიასთან ასოცირებული პირი არ აერჩიათ. მათ ეს გადაწყვეტილება მიიღეს და ამ ეტაპზე კმაყოფილები ვართ. მაგრამ სექტემბრიდან ვგეგმავთ, დაიწყებთ მოძრაობა იმისთვის, რომ უნივერსიტეტში განაწესდეს მხოლოდ 12 კაცი არ იღებდეს და პროცესში გაცილებით მეტი ადამიანი იყოს ჩართული, რადგან სისტემა კვლავ არსებობს და მხოლოდ ერთი პერსონის ჩანაცვლება, საბოლოო ჯამში, არაფერს ცვლის,“ - განაცხადა ტსუ-ს სტუდენტმა ლევან ლორთქიფანიძემ.

სტუდენტების მოთხოვნას ახალი რექტორიც გამოეხმაურა. ლადო პაპავას თქმით, არჩევნები უმაღლესი განათლების შესახებ კანონის შესაბამისად ჩატარდა და ფორმალის ცვლილებაზე საუბარი მხოლოდ მას შემდეგ შეიძლება, რაც კანონი შეიცვლება. მისი განცხადებით, აკადემიური საბჭოს 12 წევრი უნივერსიტეტის 6 ფაკულტეტის 2-2 წარმომადგენლით არის დაკომპლექტებული. მათ არჩევნები კი როგორც აკადემიური პერსონალი, ასევე სტუდენტებიც მონაწილეობდნენ. პაპავა მიესალმება, რომ საუნივერსიტეტო საქმიანობაში რაც შეიძლება მეტი სტუდენტი იყოს ჩართული, თუმცა ეს კანონზე დამოკიდებული და ამას უნივერსიტეტი თავის ნესდებით ვერ განსაზღვრავს.

## „ბიორები მარბველავილი პასუხისმგებლობას გააქცა“

საქართველოს პრეზიდენტმა მიხეილ სააკაშვილმა „უმაღლესი განათლების“ შესახებ კანონპროექტს ვეტო დააბო. საუბარია პარლამენტის მიერ „უმაღლესი განათლების შესახებ“ კანონში შეტანილ ცვლილებებზე, რომლის თანახმად, უმაღლესი სასწავლებლების რექტორებს და დეკანებს დოქტორის ან მასთან გათანაბრებული აკადემიური ხარისხი მოეთხოვებათ. აღნიშნული საკანონმდებლო ნორმის თანახმადვე, უნივერსიტეტის რექტორის მოვალეობის შემსრულებელს საარჩევნო კოლეგია აირჩევს, რომლის შემადგენლობაშიც ყველა ის პირი შევა, ვისაც უნივერსიტეტში აკადემიური ან სამეცნიერო თანამდებობა აქვს და დოქტორის ან მასთან გათანაბრებულ ხარისხს ფლობს. პრეზიდენტის ადმინისტრაციის განმარტებით, აღნიშნული ცვლილებები უმაღლეს აკადემიურ სფეროში ახალგაზრდა მეცნიერების მიზიდვას ხელს შეუშლის. საპარლამენტო უმცირესობის წარ-

მომადგენელ სერგო რატიანის შეფასებით კი, პრეზიდენტობის კანდიდატი გიორგი მარგველაშვილი განათლების მინისტრის თანამდებობიდან იმიტომ გადადგა, რომ განათლების სამინისტროს პრობლემებზე პასუხისმგებლობას გაექცა. ამით რატიანი სწორედ პრეზიდენტის გადაწყვეტილებას გამოეხმაურა. როგორც გუშინ დელ პრესკონფერენციაზე დეპუტატმა აღნიშნა, პრეზიდენტის შენიშვნა შეეხება პუნქტებს, რომლებითაც ახალი თაობის მეცნიერთა უფლებები იზღუდება და უნივერსიტეტის ავტონომიურობასა და განვითარებას პრობლემა ექმნება. გარდა ამისა, როგორც რატიანი აცხადებს, პრეზიდენტის შენიშვნები შეეხება კანონპროექტის იმ ნაწილს, რომლის თანახმად, დოქტორანტებს ერთ-ერთად უფლება, გამხდარიყვნენ ასისტენტ-პროფესორები, ხოლო დოქტორანტის აკადემიური ხარისხის მქონე მოქმედ ასისტენტ-პროფესორებს ერთ-ერთად უფლება, აერჩიათ

რექტორის მოვალეობის შემსრულებელი. მისივე თქმით, პრეზიდენტის ვეტო კანონპროექტის იმ მუხლებსაც ეხება, რომლებიც უნივერსიტეტებს უკრძალავს, დეკანად აირჩიოს სხვა წარმომადგენელი უნივერსიტეტის მეცნიერი. პრეზიდენტის შენიშვნა ასევე ეხება პუნქტს, რომლის გამოც, სერგო რატიანის თქმით, უნივერსიტეტები რექტორად ვერასდროს მოინვევენ წამყვანი უნივერსიტეტებიდან წარმატებულ მეცნიერებს.

„მათ შორის იმ ქართველებს, რომლებიც უცხოეთში მუშაობენ, რადგან კანონი უნივერსიტეტების რექტორს უნესებს ხელფასის ზღვრულ კოეფიციენტებს. ეს კი უნივერსიტეტის ავტონომიაში ჩარევაა,“ - აცხადებს დეპუტატი. მისი თქმით, პრეზიდენტის კიდევ ერთი შენიშვნა პროექტის იმ ნაწილს ეხება, რომლის თანახმადაც, ადმინისტრაციის ხელმძღვანელს აკადემიური თანამდებობის დაკავება ეკრძალება.

„ეს პარადოქსია, რადგან საქართველოს კანონმდებლობით აკადემიური თანამდებობა თავსებადია ნებისმიერ საქმიანობასთან. აქედან გამომდინარე, მარგველაშვილი გადადგა განათლების მინისტრის თანამდებობიდან არა იმიტომ, რომ მოერიდა ადმინისტრაციული რესურსის გამოყენებას, არამედ იმიტომ, რომ გაქცეოდა განათლების სამინისტროს პრობლემებზე პასუხისმგებლობას. აქვე შეგახსენებთ, რომ ნელს მასწავლებელთა და აბიტურიენტთა უპრეცედენტო რაოდენობა ჩაიჭრა და ეს პასუხისმგებლობა მარგველაშვილს ეკისრება. ამ ფონზე მინდა, მივულოცო თბილისის სახელმწიფო უნივერსიტეტს, თითოეულ პროფესორს და სტუდენტს, რომ მათ შეძლეს, დაეცვათ საკუთარი ავტონომია და ეძლევათ საშუალება, თავად აირჩიონ საკუთარი რექტორი,“ - განაცხადა სერგო რატიანმა.

### ხათუნა კალმახელიძე და დიმიტრი შაშკინი პროკურატურაში მოწმის სახით დაიბარეს

მთავარ პროკურატურაში, მოწმის სახით, ხათუნა კალმახელიძე და დიმიტრი შაშკინი დაიბარეს. პროკურატურის ინფორმაციით, საქართველოს სასჯელაღსრულების დაწესებულებებში პატიმართა ცემა-წამებისა და მათ მიმართ ჩადენილი არაადამიანური მოპყრობის ფაქტებზე საქართველოს პროკურატურის ცენტრალურ აპარატსა და რეგიონულ დანაყოფებში წარმოებული სისხლის სამართლის ათეულობით საქმის, აგრეთვე, ამ საქმეებზე დამდგარი გამამტყუნებელი განაჩენების დეტალური შესწავლის შედეგად გამოიკვეთა სასჯელაღსრულების დეპარტამენტის თანამშრომლების ქმედებებზე უფლებამოსილი სამინისტროს მიერ სახელმწიფო კონტროლის ფუნქციის რეგულარული შეუსრულებლობის, დანაშაულის ნიშნების შემცველი ფაქტები.

„ეკრძოდ, დადგენილია, რომ წლების განმავლობაში პატიმართა ცემა-წამებასა და არაადამიანური მოპყრობის ფაქტებს ადგილი ჰქონდა სასჯელაღსრულების თითქმის ყველა დაწესებულებაში და ხორციელდებოდა სისტემატურად, ჯგუფურად, რამოდენიმე წლის მანძილზე, ყოველდღიურად, სხვადასხვა საშუალებებითა და მეთოდებით, როგორც საკნებში, ასევე სასჯელაღსრულების დაწესებულების ლია ტერიტორიაზე.“

აღნიშნული ფაქტები წლების განმავლობაში რჩებოდა სათანადო რეაგირების გარეშე, მიუხედავად იმისა, რომ ინფორმაცია ამ ფაქტების შესახებ რეგულარულად აისახებოდა საქართველოს სახალხო დამცველის, აგრეთვე ადგილობრივი და საერთაშორისო უფლებადამცველი ორგანიზაციების ანგარიშებში და ვრცელდებოდა მასმედიის საშუალებებით.

ყოველივე ზემოთქმულის გათვალისწინებით, 2013 წლის 25 ივლისს საქართველოს მთავარ პროკურატურაში დაიწყო გამოძიება საქართველოს სასჯელაღსრულების, პრობაციისა და იურიდიული დახმარების საკითხთა სამინისტროს უმაღლესი პოლიტიკური თანამდებობის ცალკეულ პირთა მიერ სამსახურებრივი გულგრილობის სავარაუდო ჩადენის ფაქტზე.

აღნიშნულ საქმესთან დაკავშირებით, საქართველოს მთავარ პროკურატურაში, მოწმის სტატუსით დაკითხვის მიზნით, გამოძახებული არიან საქართველოს სასჯელაღსრულების, პრობაციისა და იურიდიული დახმარების საკითხთა ყოფილი მინისტრები ხათუნა კალმახელიძე და დიმიტრი შაშკინი.

ამავე საქმეზე, უახლოეს დღეებში, მოწმის სტატუსით ასევე დაიკითხება სასჯელაღსრულების დეპარტამენტის ყოფილი თავმჯდომარე ბაჩანა ახალიაა, - აღნიშნულია უწყების მიერ გავრცელებულ განცხადებაში.

### ევროპულ ფასეულობათა ინსტიტუტი - ზურაბ ადეიშვილი ინტერპოლის წითელი ცირკულარით არ იძებნება

იუსტიციის ყოფილი მინისტრი ზურაბ ადეიშვილი საქართველოს სამართალდამცველების მიერ, შემდგომი ექსტრადიციისა და პასუხისმგებლობის მიცემის მიზნით არ იძებნება. ამის შესახებ ნათქვამია საქართველოს ევროპულ ფასეულობათა ინსტიტუტის (GIEV) მიერ გავრცელებულ განცხადებაში.

„საქართველოს შს სამინისტროს ვებგვერდზე განთავსებულ ინტერპოლის ძებნილთა სიის გაცნობის შედეგად აღმოჩნდა, რომ საქართველოს იუსტიციის ყოფილი მინისტრი, ბატონი ზურაბ ადეიშვილი საქართველოს სამართალდამცველების მიერ, შემდგომი ექსტრადიციისა და პასუხისმგებლობის მიცემის მიზნით არ იძებნება.“

იმ ფონზე, როდესაც ოფიციალური პირების განცხადებებში ადეიშვილის შესახებ, მის მოქმედებებში იკვეთება საქართველოს სისხლის სამართლის კოდექსით დადგენილი დანაშაულის ნიშნები და როდესაც საქართველოს პრეზიდენტმაც არაერთხელ დაადასტურა სატელევიზიო ინტერვიუებში, რომ არსებობს კონკრეტული კითხვები ადეიშვილის მიმართ, ასეთი მიდგომა გაუგებარია და შესაბამისად, ბადავს საფუძვლიან ეჭვებსა და კითხვებს, კერძოდ:

- 1) მიმდინარეობს თუ არა გამოძიება ზურაბ ადეიშვილის მიერ შესაძლო დანაშაულის ჩადენის შესახებ?
- 2) დადებით შემთხვევაში, რა მუხლებით?
- 3) არის თუ არა იგი დაუსწრებლად მიცემული სისხლის სამართლის პასუხისმგებლობა?
- 4) რატომ არ არის გამოცხადებული საერთაშორისო ძებნაში ინტერპოლის წითელი ცირკულარით?
- 5) არის თუ არა ცნობილი მისი ადგილსამყოფელი და მიმდინარეობს თუ არა მისი ექსტრადიციისთვის საჭირო პროცედურების განხორციელება?

საქართველოს ევროპულ ფასეულობათა ინსტიტუტი იმედს გამოთქვამს, რომ ზემოხსენებული კითხვები უპასუხოდ არ დარჩება, - ნათქვამია საქართველოს ევროპულ ფასეულობათა ინსტიტუტის განცხადებაში.



### სირიის ომის გამოძახილი ლიბანში

სხვადასხვა მონაცემებით, 16-დან 20-მდე ადამიანი დაიღუპა და, დაახლოებით, 200 დაიჭრა ბეირუთის სამხრეთ რაიონში მომხდარი ძლიერი აფეთქების შედეგად. აფეთქება კვარტლებს ბირ-აბედსა და რავეის შორის მოხდა. ეს შიიტებით მჭიდროდ დასახლებული რაიონია და გასამხედროებული მოძრაობა „ჰეზბოლას“ (ალაჰის პარტია) ციხადელად მიიჩნევა. დანაშაული ავტომობილი ვინრო ქუჩაზე, ორ მრავალბინიან სახლს შორის აფეთქდა. იქვე ახლოს კომპლექსი „საიიდ შუჰადა“ მდებარეობს, რომელშიც ხშირად ტარდება „ჰეზბოლას“ მომხრეთა მიტინგები. ახლოს არის თვით დაჯგუფების შტაბიც, თუმცა ძნელი სათქმელია, რომ რომელიმე მათგანი ტერორისტების კონკრეტული სამიზნე ყოფილიყო. ეტყობა, აფეთქებებს, უბრალოდ, დიდი მსხვერპლის გამოწვევა სურდათ. ქუჩა მალე გაივსო მესამხრეებითა და სასწრაფო სამედიცინო დახმარების ავტომობილებით. თუმცა აფეთქებიდან ორი საათის შემდეგაც უბნის თავზე კვამლი ისევ იდგა. განადგურდა რამდენიმე შენობა და უამრავი ავტომანქანა. თვითმხილველებმა აფეთქება მინისძვრას შეადარეს.

„ჰეზბოლამ“ მომხდარს ტერაქტი უწოდა და მოსახლეობას სიმშვიდისკენ მოუწოდა. ფაქტობრივად, არავის ეპარება ეჭვი, რომ ეს არის პასუხი „ჰეზბოლას“ აქტიურ მონაწილეობაზე სირიის სამოქალაქო ომში. სირიელი ამბოხებულები მათ რამდენჯერმე დაემუქრნენ საბრძოლო მოქმედებების გავრცელებით ლიბანზეც და ისეც მას შემდეგ ბეირუთში მომხდარი პირველი აფეთქება არ არის. „როიტერს“ ინფორმაციით, აფეთქებაზე პასუხისმგებლობა აქამდე უცნობაა ტერორისტულმა ორგანიზაციამ „სარაიათ აიშა - უმ მუამინინმა“ აიღო. მეზობელი სირიის ომში მონაწილეობამ შეიძლება, ისევ დაარღვიოს ლიბანში მყოფე მშვიდობა, რომელიც ძლივს დამყარდა 20 წლის წინ, სამოქალაქო ომის შემდეგ. ლიბანიც, სირიის მსგავსად, სუნიტებად და შიიტებად არის გაყოფილი, თუმცა უფრო „თანაბრად“ და იქ მეტია ქრისტიანიც, როგორც არაბები, ისე სომხები.

### თეთრ სახლზე მზის ბატარეებს აყენებენ

ვაშინგტონში აშშ-ს პრეზიდენტის რეზიდენციის სახურავზე მზის ბატარეების დაყენება დაიწყო, რომლებიც პრეზიდენტის ოჯახის საცხოვრებელ აპარტამენტებს ელექტროენერგიით მოამარაგებს. იქვე დაიდგება მეორე დანადგარიც, შენობის ცხელი წყლით უზრუნველსაყოფად. პრეზიდენტის ადმინისტრაციამ უსაფრთხოების მიზნით ზუსტად არ უთქვამთ, თეთრ სახლში ენერჯის რა ნაწილი იქნება დამოკიდებული მზის ბატარეებზე. სავარაუდოდ, ტრადიციულ ენერგომომარაგებას უფრო აქტიურად გამოიყენებენ მორღებულ ამინდში, რაც ვაშინგტონში იშვიათი არ არის. პირველად მზის ბატარეები თეთრ სახლზე პრეზიდენტ ჯიმი კარტერის დროს დააყენეს, მაგრამ ისინი რეიგანის მმართველობის მეორე ვადისას, 1986 წელს ჩატარებული რემონტის დროს მოხსნეს. ბოლო წლებში მზის ბატარეები აშშ-ს ფედერალური სამინისტროებისა და უწყებების რამდენიმე შენობის თავზე დაამონტაჟეს.

### ჩინეთში ცნობილი დისიდენტის ლიუ სიაოზოს ცოლისძმას ასამართლებენ

ჩინეთში სასამართლომ უარი თქვა, გადაესინჯა სასჯელი ლიუ ჰუეისთვის, რომელსაც თალითობისთვის 11 წელი მიუსაჯეს. ეს არის ცნობილი ჩინელი დისიდენტის, ნობელის პრემიის ლაურეატის ლიუ სიაოზოს ცოლისძმა. თვით ლიუ სიაოზოც თერთმეტწლიან სასჯელს იხდის „ძირგამომთხრელი საქმიანობისთვის“. ლიუ ჰუეის ნათესავები მის საქმეს პოლიტიკურად მოტივირებულს უწოდებენ. დიპლომატები და ჟურნალისტები სასამართლოს სხდომაზე არ შეუშვეს. ევროკავშირის წარმომადგენელმა, რომელიც ასევე ვერ მოხვდა პროცესზე, განაცხადა, რომ ყურადღებით აკვირდება ლიუს საქმეს. ის ასევე მოუწოდებს ჩინეთის ხელისუფლებას, ლიუ სიაოზო გაათავისუფლონ და მის მეუღლეს მინაპატიმრობა მოუხსნან.

### აშშ-ში მამლების არალეგალური ბრძოლის ორგანიზაციები დააკავეს

ორგანიზაციის შტაბის ხელისუფლების ცნობით, დაკავებულია ადამიანთა ჯგუფი, რომლებსაც ბრალად ედებათ მამლების არალეგალური ბრძოლების ორგანიზება. მთავარ ეჭვმიტანილებად მიიჩნევიან ირინა უოკერი და მისი მეუღლე ჯონ უესლი უოკერი, რომელიც ადრე 5 წლის განმავლობაში ადგილობრივი შერიფის მოადგილე იყო. ისინი ეჭვმიტანილები არიან იმაში, რომ საკუთარ რანჩოზე ბრძოლებს აწყობდნენ და ფსონებსაც იღებდნენ. პოლიციას მიაჩნია, რომ განვლილი ერთი წლის განმავლობაში უოკერების რანჩოზე 10 ბრძოლა ჩატარდა და ამ ღონისძიებებს ოჯახისთვის დღეში 2000 დოლარამდე მოჰქონდა. მაყურებლებისგან შოუზე დასწრების საფასურს იღებდნენ, აგრეთვე ბრძოლების დროს სასმელებს და საკვებს ყიდდნენ. უოკერების წყვილი და კიდევ რამდენიმე ადამიანი სასამართლოს წინაშე გუშინ წარდგა. ეს ყველაფერი ჩვეულებრივი კრიმინალური ქრონიკის დონეზე დარჩებოდა, რომ არა ერთი საინტერესო დეტალი: ირინა უოკერი, ადგილობრივი გაზეთის ცნობით, რუმინეთის უკანასკნელი მეფის ქალიშვილია, რომელიც იძულებული იყო, 1947 წელს სამშობლო დაეტოვებინა.

მომზადდა ივა შილაკაძემ

# ამერიკისპირეთი წყალდიდობის პიკის მოლოდინში

პირველი გვირგვინი

საშიში რაიონებიდან, ფაქტობრივად, უკვე გაიყვანეს ბავშვები და ფეხმძიმე ქალები. მალე შეიძლება, მოსახლეობის ის ნაწილიც გაიყვანონ, რომელმაც თავიდან საცხოვრებელი სახლების დატოვებაზე უარი თქვა.

უკვე ნაწილობრივ დატბორილია კუნძული ბოლოი უსურიისკი ამურზე. ის წყალმა შეიძლება, მთლიანად დაფაროს. თვით ხაზაროვსკის მოსახლეობაში პანიკა არ შეიმჩნევა და ადამიანები მალაზიებში მასობრივად არ ყიდულობენ ბურლულულს და სასმელ წყალს. თუმცა ქალაქში ახალ, დროებით დამბებს აგებენ და ძველებს ამაგრებენ. დამბები კრიტიკულ 7 მეტრზეა გათვლილი. დატბორვა რეალურად ორ ბულვარს ემუქრება, რომლებიც, ფაქტობრივად, მდინარის დონეზეა. თუ წყალი ამ კრიტიკულ ზღვარს ასცდება, ის ხაზაროვსკი უკვე საცხოვრებელ სახლებსაც დაემუქრება. ამ ქალაქში ძლიერი წყალდიდობები 1914 და 1928 წლებში დაფიქსირდა, მაშინ მდინარეში წყლის სიმაღლე 8,5 მეტრი იყო.

წყალდიდობის პიკის მოლოდინში შორეულ აღმოსავლეთში სტიქიასთან საბრძოლველად მოსკოვიდან სამთავრობო დელეგაცია გაემგზავრა საგანგებო სიტუაციების მინისტრ ვლადიმირ პუჩკოვის ხელმძღვანელობით. მასთან ერთად არიან ენერგეტიკისა და ჯანდაცვის მინისტრები, დაიწყო მოსახლეობის სასწრაფო ვაქცინაცია. სტიქიის მინიმალური დაზიანებების შემთხვევაში უფრო სწრაფად გამოიშვება, ამის შესახებ გუშინ ჟურნალისტებთან მინისტრმა პუჩკოვმა ისაუბრა. მაშინ კი დატბორვა კიდევ რამდენიმე ათეულ დასახლ-



მთავარია ბურეისკის და ზეის წყალსაცავებიდან წყლის სწორი გამოშვება, რათა კაშხლებმა წყლის დანოლას გაუძლოს. თუ ნალექის გამო წყლის დონე სწრაფად მოიმატებს, საჭირო გახდება წყლის უფრო სწრაფად გამოშვება, ამის შესახებ გუშინ ჟურნალისტებთან მინისტრმა პუჩკოვმა ისაუბრა. მაშინ კი დატბორვა კიდევ რამდენიმე ათეულ დასახლ-

ბულ პუნქს არ ასცდება. პუჩკოვის თქმით, სამთავრობო კომისიები წყალსაცავებზე იმდენხანს იმუშავებენ, რამდენიც საჭირო იქნება.

ცხადია, წყალდიდობა ყოველ წელს არ ხდება და ჰიდროლოგებთან სადავრებო წყლის მარაგაც საჭიროა, მაგრამ მოსახლეობა შემთხვევას მაინც არ უშვებს და ადგილობრივი ხელისუფლების მიმართ უკმა-

ყოფილებას გამოხატავს. ისინი ამბობენ, რომ მაისიდან, მთელი ზაფხულის განმავლობაში, წყალსაცავებიდან წყალი ნელ-ნელა რომ გამოემუშავთ, ასეთი საშიშროება არ შეიქმნებოდა. ახლა წყალს დიდი რაოდენობით უშვებენ და ამას ამდენი ხალხის ქონება ეწირება. ჯერ, საბედნიეროდ, მსხვერპლის შესახებ ინფორმაცია არ არის.

# ბაერო და აფრიკის კავშირი ებვიპტის ქალაქობის შეწყვეტისკენ მოუწოდებენ

პირველი გვირგვინი

ოთხშაბათს დალუპულთა შესახებ ახალ-ახალი მონაცემები ვრცელდება და დაპირისპირება კვლავ მოსალოდნელია. უკვე ისლამისტებიც ძალის გამოყენებით ბრძოლაზე ალაპარაკდნენ, რაც ოპტიმიზმის საფუძველს ნაკლებად იძლევა.

გაეროს უშიშროების საბჭო ბრიტანეთის, საფრანგეთის, ავსტრალიისა და თურქეთის ინიციატივით შეიკრიბა. მანამდე ყველა ეს სახელმწიფო დემონსტრანტების წინააღმდეგ ძალის გამოყენების მკვეთრი კრიტიკით გამოვიდა. ამ მხრივ განსაკუთრებით გამოირჩეოდა თურქეთი, რომლის მმართველი ძალაც „მუსლიმან ძმებს“ სულიერად ენათესავება და სამხედროებთან დამოკიდებულება თავის ქვეყანაშიც ვერ აქვს იდეალურად. თურქეთმა გუშინ ეგვიპტიდან ელჩიც გაიწვია. უშიშროების საბჭოს სხდომა დახურული იყო. შემდეგ გაკეთდა განცხადება, რომელშიც დაგმეს ეგვიპტეში მომხდარი ძალადობა. სხდომას და განცხადებას სიმბოლური ხასიათი აქვს, ის მხოლოდ ეგვიპტის მოვლენების მიმართ მსოფლიო თანამეგობრობის ერთსულოვნების საჩვენებლად ჩატარდა. შესაბამისი განცხადება გაკეთდა სხდომის თავმჯდომარემ, არგენტინის წარმომადგენელმა გაეროში მარია კრისტინა პერსევალი. ეგვიპტეში ძალადობის აფეთქება გაეროს გენერალურმა მდივანმა ბან კი მუნმაც დაგმო. მან განაცხადა, რომ „ეს არ არის პასუხი იმ გამოწვევებზე, რომლებსაც ეგვიპტე შეეჩება.“ გაეროს უმაღლესმა კომისარმა ადამიანის უფლებათა საკითხებში ნავი პოლაიმ ეგვიპტეში მიმდინარე მოვლენების დამოუკიდებელი გამოძიების მოწოდება გაა-



კეთა. „დალუპულთა და დაჭრილთა რაოდენობა, თუნდაც ხელისუფლების მიერ გამოცხადებული მონაცემებით, მიუთითებს დემონსტრანტების წინააღმდეგ ძალის ზღვარ-გადასულ, უფრო მეტიც, ექსტრემალურ გამოყენებაზე.“

მანამდე აშშ-ს პრეზიდენტმა ბარაკ ობამამ ეგვიპტეში ძალადობა დაგმო და გამოაცხადა, რომ გაუქმებული ერთობლივი მანევრები ეგვიპტის არმიასთან „Bright Star“-ი, რომელიც ტრადიციულად ორ წელიწადში ერთხელ ტარდება. თუმცა ერთობლივი მანევრები 2011 წელსაც გაუქმდა არაბული გაზაფხულის მოვლენების გამო. მთელი მსოფლიო ელოდა ამერიკის გადაწყვეტილებას ეგვიპტისთვის ყოველწლიური ფინანსური დახმარების შესახებ 1,3 მილიარდი დოლარის ოდენობით. ობამას გამოსვლის შემდეგ ცხადი გახდა, რომ ეს დახმარება ჯერჯერობით შენარჩუნებულია. აშშ-ს პრეზიდენტის სიტყვებით, ეგვიპტის ხელისუფლებამ „საშიში კურსი აირჩია“ და ამ ქვეყანასთან თანამშრომლობა ძველ რეჟიმში ვერ გაგრძელდება,

სანამ იქ ქუჩებში მშვიდობან მოქალაქეებს ხოცავენ. ამ თემას შეეხო აშშ-ს თავდაცვის მინისტრი ჩაკ ჰეიგელიც. მისი სიტყვებით, „აშშ ეგვიპტესთან სამხედრო კავშირს ინარჩუნებს, მაგრამ ძალადობა საფრთხეს უქმნის სამხედრო სფეროში ჩვენი გრძელვადიანი თანამშრომლობის მნიშვნელოვან ელემენტებს.“ გუშინინ საფრანგეთის პრეზიდენტმაც საკუთარ რეზიდენციაში ოფიციალურად დაიბარა ეგვიპტის ელჩი და განუცხადა რომ „სამოქალაქო ომის თავიდან ასაცილებლად ყველაფერი უნდა გაკეთდეს.“

აფრიკის კავშირის მიერ გავრცელებულ განცხადებაში დაგმობილია ძალადობის აქტები, რომელმაც მრავალრიცხოვანი მსხვერპლი გამოიწვია. კონტინენტის სახელმწიფოები ყველა მხარეს, მათ შორის დროებით ხელისუფლებას, თავშეკავებისკენ მოუწოდებენ. ამ განცხადებაში გამოთქმულია იმედი, რომ „ეგვიპტელ ხალხს, აფრიკის კონტინენტის დახმარებით, არსებული პრობლემების მოგვარება შეუძლია და ამისთვის ძალები საკუთარი ის-

ტორიდან და სულიერებიდან უნდა მოიძიოს.“ იქვე გამოთქმულია შემოთქმაც, რომ „თუ სიტუაციის მოგვარების საქმეში სწრაფი პროგრესი არ იქნება, ეს მთელს რეგიონზე ცუდად აისახება...“

ეგვიპტეში კი კვლავ საგანგებო მდგომარეობაა გამოცხადებული და 14 რეგიონში კომენდანტის საათიც მოქმედებს. მსხვერპლმა, მხოლოდ ოთხშაბათს და მხოლოდ ოფიციალური მონაცემებით, უკვე 600 ადამიანს გადააჭარბა, დაჭრილების რაოდენობამ კი - 4 ათასს. „მუსლიმანი ძმების“ მონაცემებით, ასევე მხოლოდ ოთხშაბათს მსხვერპლი დაახლოებით 2600 კაცი იყო.

გუშინ, საღამოს, ექს-პრეზიდენტის მომხრეები „განრისხებული მთლიანობის მარშს“ გეგმავენ. პარასკეის ღამისთვის შემდეგ კაიროს ყველა მეჩეთიდან ხალხი ცენტრისკენ უნდა დაძრულიყო და რამზესის მოედანზე მოეყარა თავი. პოლიციამ თავდასაცავად საბრძოლო ვაზნების გამოყენების უფლება მიიღო. ისლამისტები, რომლებიც აქამდე სიტყვიერად მაინც (საქმით ნამდვილად არა) მხოლოდ არაძალადობრივ ბრძოლის მეთოდებზე საუბრობდნენ, გუშინ უკვე ემოციების ფონზე ვეღარ იძლეოდნენ ნერვების მოთოკვის გარანტიას.

ხალხის უმრავლესობა ეგვიპტეში არც სამხედროებს ამართლებს, მაგრამ „მუსლიმანი ძმების“ რადიკალიზმითაც აღშფოთებულია. ქვეყანაში ისლამისტების მომხრეთა რაოდენობამ ძალიან სწრაფი ტემპით დაიწყო შემცირება.

P.S. ბოლო მონაცემებით, ისლამისტების მარშებს გუშინაც მოჰყვა პოლიციასთან შეტაკებები და მსხვერპლი. 13 ადამიანი დაღუპული კაიროს ცენტრში, რამზესის მოედანზე, 25 კი - ეგვიპტის სხვა ქალაქებში.



# „მორვენიებების“ პარტიზანული ბრძოლა

ნა ვაკაძე



მაისში, როდესაც „მაიკროსოფტ-მა“ ახალი Xbox One-ის პრეზენტაცია გამართა და სცენა საკმაოდ შერცხვენილმა დატოვა, პრეზენტაციის დასრულება სტვენაში ძაღლის ყველა იმომოდა. თუმცა სინამდვილეში ასე არ ყოფილა. არა, შერცხვენი და სტვენა ნამდვილად იყო, თუმცა ძაღლი მხოლოდ ეკრანზე გამოჩნდა. მომდევნო დღეებში ინტერნეტსივრცეში ამ უწყინარ ცხოველზე არა ერთხელ იხუმრეს, მაგალითად, როგორც წყალნადებულ „მაიკროსოფტის“ გადამრჩენელის თემაზე, რადგან პრეზენტაციის დღეს ეს სიმბატიური გერმანული ნაგაზი იმაზე მეტჯერ გამოჩნდა ეკრანზე, ვიდრე გეიმერთათვის ახალ კონსოლთან დაკავშირებული საინტერესო დეტალები. ნაგაზს კი რაილი ჰქვია, ციფრულია და Call of Duty: Ghosts-ის ერთ-ერთი პერსონაჟია.

წელს CoD-ის ფრენჩაიზი იუბილარია - Ghosts ძირითად თამაშებში მეათეა (არ ითვლება დამატებები) და ათი წელი გავიდა პირველი თამაშის გამოვლიდანაც. როგორც უკანასკნელი დეკადის განმავლობაში ხდებოდა, წელსაც ახალი თამაში შემოდგომაზე, კერძოდ ნოემბერში გამოვა და, სავარაუდოდ, ასე მოხდება მომავალ წელსაც, რადგან CoD შემქმნელებისთვის მუდმივი შემოსავლის წყაროა, გეიმერებისთვის კი სათამაშო ოაზისი. ეს ფაქტია - როდესაც საუბარია შუტერზე, ნებისმიერი გეიმერი Half-Life-ის, Doom-ის, Bioshock-ისა თუ Halo-ს გვერდით აუცილებლად დაასახელებს კონკრეტულ რამდენიმე სერიას თუ მთელ ფრენჩაიზს არა.

სწორედ ამ ნიშნულის შენარჩუნება და გაუმჯობესება გახლავთ სერიის ყოველი ახალი თამაშის მთავარი მიზანი, მეორე მისია კი სათამაშო ბიზნეს-

ში ნოვაციების შემოტანა და დანერგვაა. ამ მხრივ ახალ CoD-ს, წესით, ნაკლები არ უნდა ვაჩნდეს, რაშიც მხოლოდ 5 ნოემბრის შემდეგ დავრწმუნდებით, მანამდე კი მის შესახებ ინფორმაციას გავეცნოთ.

გამომცემელმა Activision-მა ახალი თამაში ოფიციალურად მიმდინარე წლის თებერვალში დააანონსა, თუმცა ეს საჭიროც არ იყო, თუ გავიხსენებთ, რომ ყოველი წლის ნოემბერი სწორედ CoD-ის სახელს ატარებს. თავიდან ცნობილი იყო, რომ ახალი თამაში შესანიშნავი Modern Warfare-ს მორიგი ნაწილი იქნებოდა, თუმცა მალევე დადასტურდა, რომ სტუდია ფრენჩაიზის ახალ სერიას მუშაობდა. 1 მაისს თა-

მაშის ოფიციალური საიტი გაიხსნა და იმავე დღეს გამოვიდა თიზერიც, სადაც ოფიციალურად დადასტურდა, რომ თამაშს მომხმარებლები 5 ნოემბერს მიიღებდნენ. ამას მოჰყვა „მაიკროსოფტის“ მიერ ჩატარებული ის ავადსახსენებელი პრეზენტაციაც, სადაც ვიხილეთ არა მხოლოდ თამაშის ქოვერის მთავარი გამოსახულება, არამედ გერმანული ნაგაზი რაილიც.

თუმცა ეს არ ნიშნავს, რომ Call of Duty: Ghosts მხოლოდ Xbox One-ისთვისაა განკუთვნილი - მას ასევე მიიღებენ პერსონალურ კომპიუტერის, PS3-ის, Xbox 360-ის, PS4-ისა და Wii U-ს მომხმარებლები ანუ როგორც ძველი (ანუ ამჟამად მოქმედი), ისე ახალი თაობის

კონსოლების მფლობელებიც. დადასტურებულია ისიც, რომ თამაში ახალი თაობის კონსოლებისთვის განკუთვნილ დრავაზეა მორგებული.

როგორც ყველა ღირსეულ თამაშს, Call of Duty: Ghosts-საც სრულყოფილი სცენარი გააჩნია (ავტორი სტივენ გეჰენი), რომელსაც თამაშის შემქმნელი სტუდია Infinity Ward-ის სპეციალისტებიც ეხმარებოდნენ, რათა სიუჟეტი, რაც შეიძლება, გეიმერული ყოფილიყო. თამაშში მოქმედება 2023 წელს, ამერიკის შეერთებულ შტატებში მომხდარი საშინელი აპოკალიფსიდან 10 წლის შემდეგ ხდება: ანონიმური ჰაკერი კოსმოსური სადგურის დამცავ კოდეებს გატეხავს, რის

შედეგადაც ამერიკის უდიდესი ქალაქები სასტიკად დაიბომბება. ქვეყანა ქაოსშია, მაგრამ ხსნის იმედი მაინც არსებობს - ეს პარტიზანების ელიტარული სამხედრო შენაერთი „მორვენიებები“ (Ghosts), რომლის წევრი ძმები ჰერმები თამაშის პროტაგონისტები არიან. ამ დროისთვის ცნობილია, რომ შესაძლებელი იქნება ორივე ძმა ჰერმის სახით თამაში, ასევე სათამაშო პერსონაჟებია ბუთი და უკვე რამდენჯერმე ნახსენები ძაღლი რაილი. ეს უკანასკნელი Call of Duty-ს ფრენჩაიზისთვის ნამდვილად სიახლეა და, ზოგადადაც, იშვიათია თამაშში, სადაც ცხოველის მართვა შესაძლებელია. რაილი შენაერთ „მორვენიების“ სრულყოფილი წევრია, ძირითადად მთავარი გმირების დამხმარე რგოლია და მუდამ მზადაა, პროტაგონისტის ბრძანებები შეასრულოს.

რამდენიმე დღის წინ სნობილი გახდა სიახლეები თამაშის მულტიპლეირის შესახებ, მაგალითად, ის, რომ შემოვა ქალი პერსონაჟი. ასევე დაემატა რეჟიმი Cranked, როდესაც მონიშნულ დეგის მოკვლის შემდეგ დროის უკუთვლა იწყება, პერსონაჟი აჩქარებული ტემპით მოძრაობს და თუ ამ დროის განმავლობაში კიდევ არ მოკლავს ვინმეს, ფეთქდება. Search and Rescue კი თანამებრძოლის გაცოცხლების საშუალებას იძლევა და სხვა. გარდა ამისა, მოთამაშეს შეუძლია საკუთარი გუნდი შექმნას (მაქსიმუმ 10 პერსონაჟი), დაშვებული იქნება მონიშნულ დეგე გუნდების შექმნაც, რომლებსაც ორი ძირითადი მოთამაშე უხელმძღვანელებს (Squad vs Squad) და ხელმძღვანელი ინტელექტის მიერ მართულ გუნდთან ბრძოლაც (Wargame). და არ დაგავიწყდეთ, რომ ძაღლი პერსონაჟი მულტიპლეირის რეჟიმსაც ეყოლება - ძაღლი ხომ 10 წლის შემდეგ მებრძოლი ადამიანის მეგობარია...

## სპორტი

# მწვანე ქალაქი და დემიანი

ზურა თალაკვაძე

ორეგონში ორი კარგი მოთამაშეა. ლამარკუს ოლდრიჯი (21.0+8.9 მოხსნა) ძველი თემაა. ძველი ბიჭი კარგი სროლით, რბილი აგრესიით და დალილი ინიციატივით. ლამარკუსი კლასია და თავის კლასში სულ ხუთოსანი იყო. როგორც ის ნიგერიელი, ჰაკიმი. ოლდრიჯთან ერთად „პორტლენდი“ თითქმის ნორმალური გუნდია. თუ ნიკოლა ბატუმი (14.3+5.6 მოხსნა+4.9 პასი) არ იცვლქებს და ჯეი ჯეი ჰიქსონი (12.9+10.4 მოხსნა) შაკის კონტრაქტს არ მოითხოვს. ჰიქსონი არ არის შაკი. ჯეი ჯეი ჰიქსონია. და „პორტლენდში“ პატარა მასტია. ცოტა ინგლისური ბულდოგი. ცოტა ფრანგული ბულდოგი. ცოტა ბლადჰაუნდი და ცოტა - კალათბურთელი. ამ მიქსტით გამოდის ბიჭი, რომელმაც პირველ სეზონში სანდოდ ითამაშა. „პორტლენდი“ ნდობას ეძებდა და ეს ნდობა დრაფტიდან წამოიღო. ნდობა არის დამიან ლილარდი. კარგი ბიჭი. და ბიჭი უკეთესი იქნება.

ლილარდი ამ სეზონის საუკეთესო პირველწლიანი იქნება. არის. ლილარდი ლიგაში გამოცდილებით მივიდა. პატარა კეისით. როგორც უოლტონი. და იმ კეისში ტიმ ჰარდევეის დრიბლინგი, რეი ალენის სნაიპერული სტამინა, ბრიუს ბოუენის მუხლები მონაბა. და ეს დოზა მიიღო. და წამოიღო. და პირველწლიანი ლილარდი შეიცვალა. 23 წლის ბიჭი იგებს. და არ ფარავს, არ უშლის ხელს გუნდს. ლილარდი ხედავს ოლდრიჯის კლასს და იცის, რომ მეგობარს პასი არ უნდა დაუგვიანოს. ლილარდი ხედავს მონდომებულ ჰიქსონს და იცის, რომ ბურთი სამწამიანში უნდა ჩაუშვას. ცოტა აქეთ, ცოტა ზემოთ ჰიქსონი ბურთს არ უყურებს. ლილარდმა ეს დაიმახსოვრა. ლილარდი ყველაფერს იმახსოვრებს. და ლილარდი ნიჭიერი მოსწავლეა. „პორტლენდში“ იყვნენ ტერი პორტერი და დემიონ სტაუდმანი-



მისტერ ლილარდი

ერი. პირველი კლადის ახლობლობით ქაჩავდა. სტაუდმანიერი პატარა იყო. ძალიან პატარა. 4-5 სანტიმეტრიც და დემიონი დაიხვეწებდა, ისე არ დაიღლებოდა. და ლილარდს ყველაფერი აქვს. ლილარდი „პორტლენდის“ შანგრი ლა გახდა. შედიხარ და იცით, რომ თქვენი ყველა სურვილი ასრულდება. ლილარდი „პორტლენდის“ სანტა კლასი და კარგი ბიჭია.

ნიუ იორკში შეეშალათ. ნიუ იორკში ვერ დაითვალეს. ნიუ იორკში ნიუ იორკი გადაიფარა. ნიუ იორკში სპაიკ ლი ახალი ქუჩური სცენარისთვის ემზადებოდა და მისტერ ლის ძველი სცენარი აქვს გადასანერი. იმ სცენარში კარმელო ენტონი „ბოსტონს“ უგებს. მშვიდად უგებს. ენტონი იგებდა კლასით და ენტონი არ აგებდა ქარიზმით. ენტონი იგებდა გამოცდილებით და ენტონი არ აგებდა გამოცდილებით. ენტონი იყო „ნიქსის“ ყვავის ტუზი და ენტონი „ბოსტონის“ ჯოკერმა ვერ გადაჯოკრა. ენტონი იგებდა და ლიმ ენტონის როლზე ენტონის დაუძახა. თან კუშს და-ზოგავს და თან, კარმელო საკუთარ როლში სხვაზე უკეთ შევა. და დარჩება. ნიუ იორკი ბენდინერი იყო და ბებერი მემკვიდრე, გამოუძინებელი ნიუ იორკი ძილისთვის ემზადებოდა.

ნიუ იორკმა შეუკვეთა ორი გოგო, ერთი ჯეი, ენის ქვეშ ჩასაგდება სითბო და ნიუ იორკმა ვერ დათვალა. ნიუ იორკს არ გაახსენდა, რომ სერიამ „ბოსტონს“ ელაპარაკებოდა და „ბოსტონმა“ ეს შეახსენა. ნიუ იორკმა 3:0 აკრიფა და „ბოსტონი“ დაბრუნდა. „ბოსტონი“ ვან ჰელსინგია. თითო არბალეტი სულ აქვს მოტეხილი. კლასიკა.

„სელტიქსი“ ასაკშია, „სელტიქსი“ იღვება და „სელტიქსით“ „სელტიქსის“ გულშემატკივრები იღვებიან. და „სელტიქსი“ კლასია. ნიუ იორკს ეს დაავიწყდა. „ნიქსს“ ეს პოლ პირსმა შეახსენა. და კევინ გარნეტმა. და დოკ რივერსმა. და ჯეფ გრინმა. და ისტორიამ. იმ ისტორიაში „ბოსტონი“ არ აგებს. ან აგებს და მაინც იგებს. ეს „სელტიქსია“. კლასიკა.

ნიუ იორკმა ჩამოყარა ვარიანტები და შემდეგი სერიისთვის „ჩიკაგო“ შეუკვეთა. მენიუში „ბრუკლინიც“ იყო და „ბრუკლინი“ ძვირი ღირდა. „ჩიკაგოში“ ნაკლებს გადაიხდი, დერიკ როუზი არ იქნება და „ნიქსი“ კარმელოს ფიქსატორით მოგვარებს პრობლემებს. კარმელოც ფიქსატორია და ენტონის ეს სეზონი ყველაზე გემრიელი ბეზე იყო. ნიუ იორკმა დაიჯერა, რომ 3:0 შემდეგი რაუნდის ვიზაა. და „ბოსტონი“ დაბრუნდა. პოლ პირსი, კევინ გარნეტის, ძველი და კარგი ბიჭების გუნდი. ნიუ იორკს ეს არ ახსოვდა. ნიუ იორკს ეს შეახსენეს. და ნიუ იორკი დაიძაბა. ნიუ იორკი „სელტიქსის“ ისტორია და „სელტიქსის“ ქარიზმამ, პირსის მაჯამ, გარნეტის თვალბემა და გრინის მუხლებმა დაძაბა. „ბოსტონი“ ისტორიაა და თუ „ნიქსი“ აზრზე ვერ მოვა, ისტორიაში ცუდად შევა. როგორც შედიან ხოლმე არასერიოზული ზანდები. ნიუ იორკმა და კარმელომ უნდა დაიხვეწონ. და დაიწყება კიდევ ერთი ტესტი.

ორეგონში ორი კარგი მოთამაშეა. ლამარკუს ოლდრიჯი (21.0+8.9 მოხსნა) ძველი თემაა. ძველი ბიჭი კარგი სროლით, რბილი აგრესიით და დალილი ინიციატივით. ლამარკუსი კლასია და თავის კლასში სულ ხუთოსანი იყო. როგორც ის ნიგერიელი, ჰაკიმი. ოლდრიჯთან ერთად „პორტლენდი“ თითქმის ნორმალური გუნდია. თუ ნიკოლა ბატუმი (14.3+5.6 მოხსნა+4.9 პასი) არ იცვლქებს და ჯეი ჯეი ჰიქსონი (12.9+10.4 მოხსნა) შაკის კონტრაქტს არ მოითხოვს. ჰიქსონი არ არის შაკი. ჯეი ჯეი ჰიქსონია. და „პორტლენდში“ პატარა მასტია. ცოტა ინგლისური ბულდოგი. ცოტა ფრანგული ბულდოგი. ცოტა ბლადჰაუნდი და ცოტა - კალათბურთელი. ამ მიქსტით გამოდის ბიჭი, რომელმაც პირველ სეზონში სანდოდ ითამაშა. „პორტლენდი“ ნდობას ეძებდა და ეს ნდობა დრაფტიდან წამოიღო. ნდობა არის დამიან ლილარდი. კარგი ბიჭი. და ბიჭი უკეთესი იქნება. პირსი და გარნეტი უკვე ისტორიაა. პირსი და გარნეტი ნავიდნენ და ბოსტონი შეიცვალა. ახალი ისტორია იწყება.







ტრიუმფით დასრულებული ტურნირი

თურქეთის ქალაქ ანტალიაში ლუკოილის ბავშვთა ჩემპიონთა თასის გათამაშება ტრიუმფით დასრულდა „დინამოს“ აკადემიის 2001 წელს დაბადებული გუნდმა. სულიკო დავითაშვილის შეგირდებმა მეოთხე მატჩი გამართეს ბაქოს „ინტერის“ წინააღმდეგ და მეტოქეს 5:0 სძლიეს - დინამოელებმა ტურნირი პირველ ადგილზე დაასრულეს. სექტემბერში ჩვენი გუნდი ბულგარეთში, ჩემპიონთა ლიგის ფინალურ სტადიაზე იასპარეხებს.

მოზარდმა დინამოელებმა დღევანდელი მატჩი ასეთი შემადგენლობით ჩაატარეს:

ხარშილაძე, კვარაცხელია, მექვაბიშვილი, ჭყეჭანიძე, ბოგვერაძე, მალაღლაძე, დავითაშვილი, მოისნრაფიშვილი, გაგუა

შეცვლაზე შემოვიდნენ: ახაროვი, თვალაძე, ქაჯაია, ქველაძე, ლომთაძე, გოდერძიშვილი

ტურნირის საუკეთესო ფეხბურთელად დინამოელი დავითაშვილი დასახელდა, საუკეთესო ნახევარმცველად კი მოისნრაფიშვილი აღიარეს.

ხარკოვის „მეტალისტი“, შესაძლოა, ევროთასებს დაუბრუნონ

შესაძლოა, ხარკოვის „მეტალისტი“ 2013-2014 წლების სეზონში ევროთასებზე ასპარეზობის უფლება მისცენ. უკრაინული ინტერნეტ-გამოცემის, Football.ua-ს ცნობით, შვეიცარიის სასამართლომ გარიგებულ მატჩებთან დაკავშირებული საქმე შეაჩერა.

საქმე ის არის, რომ უფემ უკრაინული კლუბი, გარიგებულ მატჩში მონაწილეობის გამო, ჩემპიონთა ლიგის გათამაშებიდან მოკვეთა. თუ გუნდის ბრალეულობა დამტკიცდა, „მეტალისტი“ ადგილს ის გუნდი დაიკავებს, რომელიც ხარკოველებმა მესამე საკვალიფიკაციო ეტაპზე დაამარცხეს. ეს კი ბერძნული პაოკ-ია.

აქამდე არსებული ინფორმაციით, ბერძნულ გუნდს ევროპის ლიგის ფლეი ოფში უნდა ეთამაშა. UEFA-ს გადაწყვეტილებით, ევროპის ლიგაზე გამოთავისუფლებული ერთი ადგილი არ შეივსება, რაც იმას ნიშნავს, რომ თელ ავივის „მაკაბი“ პირდაპირ ჯგუფურ ეტაპზე მოხვდა, ხოლო ჩემპიონთა ლიგის ფლეი ოფში პაოკ-ი „შალკეს“ დაუპირისპირდება.

„მეტალისტი“ იურისტები აპელაციას ამზადებენ.

16-წლამდელთა ნაკრებმა დანიას ვერ აჭოგა და მე-5 ადგილისთვის იბრძოლებს

საქართველოს 16-წლამდელთა ნაკრებმა დანიასთან კარგად დაწყებული მატჩი ბოლომდე ვერ მიიყვანა. გია კაზანჯიანის გუნდს ნახევარფინალში გასასვლელად სკანდინავიელების 9 ქულით დამარცხება ესაჭიროებოდა, მაგრამ 62:74 ნაგო და A დივიზიონში გადასვლისთვის ვეღარ იბრძოლებს.

ამ შეხვედრამდე მასპინძელმა ბოსნიამ ჩეხეთი დაამარცხა, რაც იმას ნიშნავდა, რომ საქართველოს ნაკრებს მეორე ჯგუფური ეტაპიდან ნახევარფინალში გასვლის შანსი მიეცა. როგორც ვთქვით, ქართველებს დანიელების 9 ქულით დამარცხება სჭირდებოდა. მატჩიც ისე დაიწყო, გულმემატკივარს იმედი ჩაესახა. 11:3, 17:11 - ასეთი ანგარიშით იგებდნენ ქართველები, მაგრამ მერე ყველაფერი შეიცვალა. დანიელებმა 8:0 გარბენა მოახერხეს და 19:17 დაწინაურდნენ.

პირველი მეოთხედი დანიელებმა 21:19 მოიგეს, მეორედი კი თავიანთი უპირატესობის განმტკიცებას შეუდგნენ, რაშიც მათ ზუსტი სროლები ეხმარებოდათ. ფარზე ქართველები მეტოქეს ტოლს არ უდებდნენ და კარგა ხანს მოხსნებში ჯაბნიდნენ კიდევ. მეორე მეოთხედში სკანდინავიელებმა 18:11 გაიმარჯვეს და დიდი შესვენებისთვის 39:30 დაწინაურდნენ.

მესამე პერიოდში ჩრდილოელთა უპირატესობამ 20 ქულას მიაღწია და ქართველების ბედიც გაირკვა. კაზანჯიანის გუნდს 9 ქულით მოგება სჭირ-

დებოდა, რაც უკვე ნარმოუდგენელი გახდა.

18 ქულით მატჩის ბომბარდირი გახდა გიორგი ცირეკიძე, ვილი ისიანმა კი მორიგი ორმაგი დუბლი მიითვა (15 ქულა, 12 მოხსნა) და ტურნირზე საუკეთესო მეფარეთა დავაში პირველი ადგილი შეინარჩუნა. რაც შეეხება დანიელებს, მათ უფრო გუნდურად ითამაშეს: ოთხმა კალათბურთელმა 10-ქულიან ზღვარს მიაღწია.

საქართველოს ნაკრები ახლა V-VIII ადგილებისთვის ბრძოლაში გადაერთვება. 17 აგვისტოს კაზანჯიანის გუნდი ინგლისს შეხვდება და თუ მოიგებს, ჩეხეთსა და მაკედონიას შორის გამარჯვებულს მე-5 ადგილისთვის დაუპირისპირდება. ინგლისელებთან ნაგების შემთხვევაში, საქართველო ზემოთ ნახსენების წყვილის ნაგებულთან მე-7 ადგილს გაითამაშებს.

ევროპის ჩემპიონატი. B დივიზიონი. ბოსნია. სარაევო. მეორე ეტაპი. 15 აგვისტო

საქართველო 62:74 დანია 19:21, 11:18, 13:20, 19:15 სრული სტატისტიკა: 62:74

F ჯგუფი, მეოთხედფინალური რაუნდი

Table with 4 columns: Rank, Team, Score, Opponent, Score. Rows include: 1. ბოსნია-ჰერცეგოვინა 3 3/0 216/193 6, 2. დანია 3 2/1 214/188 5, 3. ჩეხეთი 3 1/2 165/189 4, 4. საქართველო 3 0/3 176/201 3

gbf.ge

რაიან გიგზი დაძაბული სეზონის მოლოდინშია

„მანჩესტერ იუნაიტედის“ მოთამაშე-მწვრთნელი და დე ფაქტო კლუბის სიმბოლო რაიან გიგზი Inside United Magazine-თან საუბარში ახალ სეზონს აანალიზებს. დღეს სტარტს აიღებს პრემიერლიგა, სადაც „მანჩესტერ იუნაიტედს“ გასვლითი მატჩი ელის „სვონსისთან“.

- გარი ნევილის თქმით, ახალი სეზონი ყველაზე არაპროგნოზირებადი იქნება...

- ვეთანხმები, რომ დაძაბული სეზონი გულშემატკივრებისთვის საინტერესო იქნება. სერ ალექსი დიდლანს იყო ჩვენთან. კლუბში ცვლილებები განხორციელდა, ისევე როგორც ეს „სიტისა“ და „ჩელსის“ შემთხვევაშია. არავინ იცის, ახალ სეზონში მოვლენები როგორ განვითარდება. პრემიერლიგაში კარგი გუნდები არიან, „სიტის“ ჩემპიონობის დაბრუნება სურს, „ჩელსის“ ყოზე მოუწინიოს გამოცდილება უმაგრებს ზურგს, ჩვენ კი მოქმედი ჩემპიონები ვართ. არ უნდა დავგავინყდეს „არსენალი“, „ტოტენჰემი“ და „ლივერპული“, რომლებიც არაფრის დათმობას არ აპირებენ. ერთი სიტყვით, საინტერესო და დაძაბული სეზონი გველოდება.

- „იუნაიტედის“ ახალი დამრიგებელი როგორ შთაბეჭდილებას ტოვებს?

- მოიხსნა მისთვის ახალ გუნდს უმაღლეს აულო ალლო. მწვრთნელი ყველაფერშია ჩართული. კარგი ურთიერთობა აქვს სამწვრთნელ მტაბთან. იცის, როგორ იმუშაოს ბიჭებთან. მოიხსნა უყვარს ყველაფრის ცოდნა ფეხბურთელების შესახებ. ვფიქრობ, სწორედ ასეთი უნდა იყოს „იუნაიტედის“ მწვრთნელი.

- მოიხსნა უნერვილია, როდესაც პირველად წარდგა ახალი გუნდის წინაშე. რა უთხრა ფეხბურთელებს?

- ისაუბრა... თქვა, რომ გუნდში ახალწვეულები გამოჩნდებიან.

ყუნიორი და ნეიმარი - მეგობრები და მტრები

მადრიდის „რეალის“ მცველი მარსელო ყუნიორი ესპანურ პრესასთან საუბარში ამბობს, რომ „ბარსელონასთან“ შეხვედრებში ნეიმართან მეგობრობას დაივიწყებს. მისი თქმით, მოედანზე მოგობრობა არ ვრცელდება: „ნეიმარი ჩემი დიდი მეგობარია. გამონაკლისი მხოლოდ ის შემთხვევები იქნება, როდესაც ჩვენი გუნდები ერთმანეთს დაუპირისპირდებიან. თამაშის შემდეგ კი მეგობრობას წინ არაფერი დაუდგება. ეს გამოცდილება უკვე მაქვს მიღებული დანიელ ალვეშთან“.

მარსელომ და ნეიმარმა ბრაზილიის ნაკრების შემადგენლობაში ახლანავე კონფედერაციათა თასი ერთიანი ძალისხმევით მოიგეს.

არასამეწარმეო (არაკომერციული) იურიდიული პირი კოლხეთის დაცული ტერიტორიების განვითარების ფონდის სატენდერო განცხადება

ქ. ფოთი, 16 აგვისტო 2013 წ.

არასამეწარმეო (არაკომერციული) იურიდიული პირი კოლხეთის დაცული ტერიტორიების განვითარების ფონდი აცხადებს ტენდერს, 2 (ორი) ერთეული ერთიდაიგივე მარკის მსუბუქი მაღალი გამავლობის პიკაპის ტიპის ავტომანქანის შესყიდვაზე და ინვესტ ტენდერში მონაწილეობის მისაღებად ყველა დაინტერესებულ პირს.

1. შესყიდვის ობიექტის დასახელება, ზოგადი მახასიათებლები, რაოდენობა და მონოდების ვადები:

Table with 4 columns: Lot No, Description, Quantity, Delivery Term. Row 1: 1, ერთიდაიგივე მარკის მსუბუქი მაღალი გამავლობის პიკაპის ტიპის ავტომანქანა (ახალი, ექსპლუატაციაში არ მყოფი, 2012 წლის გამოშვება), 2, ხელშეკრულების დადებიდან 15 კალენდარული დღე

მინოდების ადგილი: საქართველო, ქ. ფოთი, გურიის ქ. №222.

2. ტენდერში მონაწილე პირების სატენდერო წინადადება და საკვალიფიკაციო მონაცემები უნდა შეიცავდეს შემდეგ ინფორმაციას:

- 2.1. ფიზიკური პირებისათვის:
- ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუნარობის საქმის წარმოება.
- ცნობა სსიპ შემოსავლების სამსახურიდან ბიუჯეტის წინაშე დავალიანების არარსებობის შესახებ.
2.2. იურიდიული პირებისათვის:
- ამონაწერი საჯარო რეესტრიდან.
- ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ.
- ამონაწერი მენარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია/ლიკვიდაცია.
- ცნობა სსიპ შემოსავლების სამსახურიდან ბიუჯეტის წინაშე დავალიანების არარსებობის შესახებ.

3. ტენდერში მონაწილე იურიდიული და ფიზიკური პირების სატენდერო წინადადება უნდა შეიცავდეს შემდეგ ინფორმაციას:

- შესყიდვაში მონაწილეობის მსურველი პირის რეკვიზიტებს, საიდენტიფიკაციო მონაცემებს, საბანკო რეკვიზიტებს, საკონტაქტო ტელეფონს.
- სატენდერო წინადადების ფასი წარმოდგენილი უნდა იქნეს ლოტების მიხედვით ცალ-ცალკე, ეროვნულ ვალუტაში - ლარში, დ.ღ.-ს გათვალისწინებით, სატენდერო წინადადების ფასში გათვალისწინებული უნდა იქნეს "შესყიდველის" სახელზე ავტომანქანის გადაფორმების ხარჯები, ასევე, ყველა ის ხარჯი, რაც დაკავშირებულია მოსანოდებელი საქონლის დანიშნულებს

ადგილამდე ტრანსპორტირებისთვის. შენიშვნა: წინასწარი ანგარიშსწორება არ განხორციელდება.

- საქონლის მიწოდების გრაფიკს;
• ინფორმაციას ანგარიშსწორების ფორმებისა და პირობების შესახებ;
• ინფორმაციას ანალოგიური მიწოდების გამოცდილების შესახებ, შესაბამისი დოკუმენტაციის დართვით;
• ინფორმაციას მოსანოდებელი საქონლის ტექნიკური მახასიათებლების შესახებ;
• საქონლის საგარანტიო ვადას.

- 4. ტენდერში მონაწილეობის მსურველი პირებისათვის, სატენდერო დოკუმენტაციის გაცემა იწარმოებს 2013 წლის 19 აგვისტოდან - 2013 წლის 03 სექტემბრის ჩათვლით, დილის 10:00 საათიდან საღამოს 17:00 საათამდე, შემდეგ მისამართზე: საქართველო, ქ. ფოთი, გურიის ქ. №222, კოლხეთის ეროვნული პარკის ადმინისტრაციული შენობა.
5. ტენდერში მონაწილეობის მსურველ პირებს უფლება აქვთ საკვალიფიკაციო მონაცემებისა და სატენდერო წინადადების წარდგენამდე გაეცნონ სატენდერო დოკუმენტაციას შემსყიდველ ორგანიზაციაში.
6. ტენდერში მონაწილეობის მსურველმა პირებმა, სატენდერო წინადადება უნდა წარმოადგინონ დალუქულ კონვერტებში, ქართულ ენაზე, დახურულ პაკეტში ერთ ეგზემპლარად, შემდეგ მისამართზე: საქართველო, ქ. ფოთი, გურიის ქ. №222, კოლხეთის ეროვნული პარკის ადმინისტრაციული შენობა.
7. სატენდერო წინადადების და საკვალიფიკაციო მონაცემების წარმოდგენის ბოლო ვადაა 2013 წლის 04 სექტემბერი 14:00 საათი, პრეტენდენტების მიერ წარმოდგენილი სატენდერო წინადადებები გაიხსნება პრეტენდენტების თანდასწრებით, სატენდერო წინადადების წარმოდგენის ვადის დასრულებისთანავე.
8. დაგვიანებით შემოსული სატენდერო წინადადებები არ განიხილება.
9. პრეტენდენტებს უფლება აქვთ წარმოადგინონ მხოლოდ ერთი სატენდერო წინადადება, ალტერნატიული სატენდერო წინადადება არ განიხილება.
10. ტენდერში შესაძლებელია რამდენიმე გამარჯვებულის გამოვლენა, სატენდერო განცხადებაში მითითებული ლოტების შესაბამისად.
11. ტენდერში გამარჯვებულთან ხელშეკრულების უზრუნველსაყოფად გამოყენებული იქნება ხელშეკრულების შესრულების უზრუნველყოფის გარანტია, ხელშეკრულების ჯამბრუნება წესით მოთხოვნილ ყველა ცნობასა და ინფორმაციას, ან რომელიმე მათგანი ყალბი აღმოჩნდება.
12. სატენდერო წინადადების მოქმედების ვადა 30 დღით უნდა აღემატებოდეს სატენდერო წინადადების წარმოდგენის დასრულების ვადას.
13. ტენდერში მონაწილე იურიდიული და ფიზიკური პირი ვერ გაივლის საკვალიფიკაციო შერჩევას და მოხდება მათი დისკვალიფიკაცია, თუ ისინი განცხადებით დადგენილ ვადებში არ წარმოადგენენ ტენდერის ჩატარების შესახებ განცხადებას და საბაზისო მონაცემთა წესით მოთხოვნილ ყველა ცნობასა და ინფორმაციას, ან რომელიმე მათგანი ყალბი აღმოჩნდება.
14. დაინტერესებულმა პირებმა დამატებითი ინფორმაცია ტენდერის პროცედურების შესახებ შეუძლიათ მიიღონ: ქ.ფოთი, გურიის ქ.№222-ში. საკონტაქტო პირი: დავით კვიციანი, ტელ: 577 923434, ელ.ფოსტა: dato.kviciani@mail.ru



PHOTOGRAPHED BY FRED HEYLAN

# ELITE MODEL LOOK CASTING 2013

N°1 MODEL SEARCH [WWW.ELITEMODELLOOK.COM/GE](http://WWW.ELITEMODELLOOK.COM/GE)

- 21 JULY KUTAISI Opera House 14:00 - 17:00
- 23 JULY GORI Gamarjveba Movie Theatre 14:00 - 16:00
- 26 JULY GURJAANI Cultural Centre 14:00 - 16:00
- 29 JULY ZUGDIDI Art Gallery 14:00 - 17:00
- 17 AUGUST BATUMI Hotel Intourist 14:00 - 17:00
- 18 AUGUST OZURGETI Theatre Hall 14:00 - 16:00
- 07 SEPTEMBER TBILISI Tbilisi Mall 14:00 - 18:00

2013  
**elite**  
MODEL LOOK  
GEORGIA

